

## KERATAN AKHBAR

JUDUL : Kosmo

TARIKH : Sabtu, 6 Mei 2017

M/S : 4

### RINGKAS

## Kadar literasi di Malaysia 95 peratus

**KUALA LUMPUR** – Kadar literasi rakyat Malaysia secara umumnya sudah menjangkau 94.64 peratus berdasarkan laporan yang dikeluarkan badan antarabangsa, kata Ketua Pengarah Perpustakaan Negara Malaysia (PNM), Datuk Nafisah Ahmad.

Beliau berkata, sebuah laporan yang diterbitkan oleh Institut Statistik UNESCO (UIS) mengklasifikasikan peratusan itu terhadap literasi dalam kalangan rakyat berumur 15 tahun ke atas di Malaysia.

“Tahap pengukuran yang ditetapkan oleh UIS agak tinggi dan kita merujuk kepada laporan mereka bagi mengelakkan kekeliruan,” katanya kepada *Bernama* ketika mengulas laporan media baru-baru ini berhubung kadar literasi rakyat Malaysia yang masih berada pada tahap 55 peratus.

Sehubungan itu, Nafisah berkata, tumpuan PNM ketika ini adalah untuk meningkatkan tabiat membaca dalam kalangan rakyat Malaysia yang masih berada pada tahap kurang memuaskan apabila secara purata, setiap penduduk hanya membaca sebanyak 15 buah buku setahun. – *Bernama*